



GASTOS

Deputación

IV. GASTOS

IV.1. PRINCIPAIS CARACTERÍSTICAS DOS ORZAMENTOS PROVINCIAIS. TOTAL DEPUTACIÓNS/GALICIA

O importe de gastos iguálase ao de ingresos ao presentarse os catro orzamentos equilibrados, cunha cifra de 495,6 millóns de euros e un incremento do 1,8%.

Principais cambios respecto ao ano anterior nos orzamentos de gastos.

Sinaláanse aquí os cambios máis salientables respecto do orzamento de 2017.

Como se dicía no apartado de ingresos, o total da cifra orzamentaria aumentou 9 millóns respecto á cifra de 2017 para o orzamento suma dos catro provinciais.

En primeiro lugar destaca que cinco capítulos da composición de gastos reflicten incremento interanual: o capítulo I Gastos de persoal (capítulo I), o de Compra de bens correntes e servizos (capítulo II), o de transferencias correntes (capítulo IV), o de Fondo de contingencia e imprevistos (capítulo V) e o de Variación de activos financeiros (capítulo VIII). O resto tiveron descensos.

O capítulo I incrementouse case en 6 millóns de euros alcanzando 142,6 millóns de euros para as catro deputacións, cunha taxa interanual do 4,3%. Con este crecemento consolídase como o primeiro destino dos orzamentos provinciais, cunha porcentaxe na estrutura de gastos do 28,8%, é dicir, 0,7 puntos porcentuais máis ca en 2017.

O capítulo II incrementouse en 1,9 millóns de euros, ata chegar á cifra de 88,1 millóns de euros para as catro deputacións, cunha taxa interanual do 2,3%. Con este crecemento consolídase como o terceiro destino dos orzamentos provinciais, cunha porcentaxe na estrutura de gastos do 17,8%, é dicir, 0,1 puntos porcentuais máis ca en 2017.

O incremento da cifra deste capítulo II é consecuencia do incremento nas deputacións da Coruña e Pontevedra, con taxas do 4,8% e 7,0% respectivamente, mentres que en Lugo e Ourense producíronse caídas do 0,2% e do 5,7%. A deputación para na que este capítulo presenta maior peso é a de Ourense cunha porcentaxe sobre o total de gastos do 23,4%. É dicir, no orzamento ourensán reflíctese que a estimación dos gastos do ano 2018 dan que de cada 100 euros de gasto, 23,4 destinaranse á compra de bens correntes e servizos.

**TOTAL DEPUTACIÓNS
ORZAMENTO DE GASTOS**

CAPITULOS	(euros)				
	2017		Increm. % Interanual	2018	
	IMPORTE	%		IMPORTE	%
OPERACIÓNS NON FINANCEIRAS					
I. Gastos de Persoal	136.797.636	28,1%	4,3%	142.633.098	28,8%
II. Compra de Bens Corr. E Servizos	86.103.078	17,7%	2,3%	88.054.343	17,8%
<i>Gastos funcionamento dos servizos</i>	<i>222.900.714</i>	<i>45,8%</i>	<i>3,5%</i>	<i>230.687.441</i>	<i>46,5%</i>
III. Xuros	524.588	0,1%	-44,1%	293.413	0,1%
IV. Transferencias Correntes	106.019.671	21,8%	13,4%	120.203.272	24,3%
V. Fondo continxencia e imprevisión	4.840.000	1,0%	1,0%	4.889.000	1,0%
Operacións Correntes	334.284.972	68,7%	6,5%	356.073.126	71,9%
VI. Investimentos Reais	57.684.067	11,9%	-0,3%	57.489.721	11,6%
VII. Transferencias de Capital	59.714.760	12,3%	-19,2%	48.255.598	9,7%
Operacións de capital	117.398.827	24,1%	-9,9%	105.745.319	21,3%
Operacións non financeiras	451.683.799	92,8%	2,2%	461.818.446	93,2%
OPERACIÓNS FINANCEIRAS					
VIII. Variación Activos Financeiros	24.157.940	5,0%	7,8%	26.033.940	5,3%
IX. Variación Pasivos Financeiros	10.730.546	2,2%	-28,1%	7.718.606	1,6%
Operacións financeiras	34.888.486	7,2%	-3,3%	33.752.547	6,8%
TOTAL GASTOS	486.572.285	100%	1,8%	495.570.992	100%

○ **capítulo IV de transferencias correntes** tivo un crecemento absoluto de 14,2 millóns de euros para o conxunto das catro deputacións e presenta a taxa interanual máis elevada de todos os capítulos, un 13,4%, que provocou un aumento da súa porcentaxe sobre o gasto total de 2,5 puntos porcentuais. Neste capítulo o destino predominante son os concellos, establecendo as catro deputacións programas de axudas aos concellos a través de subvencións.

Este incremento das transferencias correntes produciuse en tres dos orzamentos provinciais, manifestando pola contra o de Lugo un lixeiro descenso de case 0,2 millóns e unha taxa do -0,7%.

Foi no orzamento ourensán no que medrou este capítulo en maior proporción, un 57,6% maior que en 2017, 4,8 millóns de euros máis que en 2017, sendo as transferencias aos concellos de Ourense (que son as de maior importe) as que maior incremento tiveron dentro deste capítulo. Como consecuencia, reflíctese un considerable aumento do peso relativo deste capítulo na composición dos gastos, con 5,5 puntos porcentuais máis que na estrutura de gastos do ano 2017.


No orzamento provincial de Coruña, tamén tivo un incremento considerable o capítulo IV, con 8,3 millóns máis, o que supón unha taxa interanual do 17,1%. Tamén neste caso foron as subvencións aos concellos as que máis aumentaron ao comparalas coas de 2017. Este crecemento ademais intensifica a porcentaxe deste capítulo na estrutura de

gastos do orzamento, que sube 4,3 puntos porcentuais, e chega ao 31,7% do seu orzamento de gastos.

No orzamento da Deputación de Pontevedra tamén houbo un incremento de 1,2 millóns de euros e un 4,4% de taxa interanual, que fixo crecer lixeiramente (0,3 puntos porcentuais) a porcentaxe sobre o seu total de gastos.

O capítulo VIII de **variación de activos financeiros** foi o outro capítulo que tivo un crecemento desde 2017, un 7,8% maior, e 1,9 millóns de euros máis. As principais consignacións neste capítulo son os préstamos aos concellos, ás familias e institucións sen fin de lucro e os anticipos de salarios para o persoal que traballa nas corporacións provinciais. Este crecemento fai que tamén medre a súa porcentaxe sobre o total de gastos, chegando ao 5,3% do total.

Nos orzamentos de Ourense e Pontevedra non houbo variacións neste capítulo na comparación co 2017. No orzamento da Coruña obsérvase un incremento do 9,1%, pasando dos 22,1 millóns de 2017 aos 24,1 millóns de 2018, debido sobre todo ao incremento nos anticipos reintegrables aos concellos.



Entre os capítulos que experimentaron descensos ao comparalos cos datos de 2017, obsérvase o seguinte:

Produciuse un acusado descenso no capítulo IX de **variación de pasivos financeiros**, que minorou a súa cifra en 3 millóns de euros e que alcanza un importe de 7,7 millóns de euros no orzamento global das catro deputacións de 2018, o que supón unha caída do 28,1%, que á súa vez traslada a unha perda de peso relativo dun 0,6 puntos porcentuais na estrutura de gastos. As amortizacións de préstamos son o principal compoñente deste capítulo IX. Téñase en conta que pola parte dos ingresos desde fai algúns anos xa non se consignan préstamos para o financiamento de investimentos e gastos de capital.

Esta minoración do capítulo IX maniféstase nos orzamentos de Ourense e Pontevedra, xa que no da Coruña xa hai anos que non teñen consignación deste capítulo e no de Lugo non houbo variación.

A maior diminución en termos absolutos produciuse no orzamento pontevedrés no que pasou dos 8,4 millóns aos 6,4 de 2018, que supón un descenso do 23,6% que á súa vez causa unha lixeira modificación na composición dos seus gastos coa perda de 1,4 puntos porcentuais. Aínda así, segue a ser o orzamento provincial galego no que este capítulo ten maior porcentaxe, o 1,4% na estrutura de gastos.

No orzamento ourensán houbo a maior diminución relativa, un 46,8% con 1 millóns de euros menos, que fixo diminuír o peso porcentual sobre o total dos seus gastos en 1,4 punto porcentuais.

O capítulo III, **de xuros polos préstamos** vixentes ou outro tipo de gastos financeiros, tamén experimentou unha significativa diminución en termos porcentuais, cun 44,1% menos que o dato de 2017, aínda que en termos de valor absoluto o importe é pouco significativo 231 mil euros menos que en 2017.

Este descenso dos gastos financeiros e xuros prodúcese nas deputacións de Ourense e Pontevedra, no orzamento coruñés non houbo variación respecto do ano pasado e en Lugo incrementouse en 27.500 euros.

Os dous capítulos que conforman o agregado de **operacións de capital, o VI e VII** manifestaron descensos, tanto en valor absoluto como en taxa de variación, que levou a unha perda de peso porcentual na estrutura de gastos deste agregado en cerca de 3 puntos porcentuais.

O capítulo VI de **investimentos reais**, os que levan a cabo directamente as deputacións provinciais, foi o que menor caída tivo, con 0,2 millóns de euros menos no orzamento inicial das catro deputacións en 2018, que supón un 0,3% de retroceso interanual, quedando en 57,5 millóns de euros o importe deste capítulo. Pódense salientar ente os gastos incluídos neste capítulo os destinados ás estradas de titularidade provincial, investimentos e reposicións, os plans de investimentos de cooperación cos concellos, como o Plan de Obras e servizos (POS) e outros.

Dos catro orzamentos provinciais en Lugo Ourense e Pontevedra houbo un lixeiro incremento neste capítulo ao comparalo co do ano 2017, no orzamento da Coruña obsérvase unha diminución do 6,1%. No orzamento coruñés houbo 1,1 millóns de euros menos neste capítulo que provocou tamén unha diminución de sete décimas na porcentaxe sobre o seu total de gastos. O descenso máis destacado é nos importes destinados ás infraestruturas da rede viaria de titularidade provincial e municipal.

No caso de Lugo, o incremento foi de 0,2 millóns de euros, un 1,0% máis ao dato de 2017, que á súa vez ocasionou unha subida no peso relativo deste capítulo na composición de gastos, con 0,5 puntos porcentuais máis que no 2017. A deputación de Lugo segue a ser o orzamento no que maior peso teñen os investimentos reais do capítulo VI.

No orzamento ourensán houbo algo máis de 50 mil euros de incremento que representa unha variación 0,3% e case un punto porcentual menos na estrutura de gastos.

No orzamento da corporación provincial de Pontevedra reflíctese un incremento do 7,3%, que supón 0,7 millóns de euros no orzamento de gasto desta deputación.

O **capítulo VII** para o conxunto das catro deputacións experimentou unha minoración de 11,5 millóns e do 19,2%, na porcentaxe sobre o total de gastos.

Na variación deste capítulo de gastos obsérvanse dúas tendencias, por unha banda os orzamentos da Coruña, Lugo e Ourense nas que minoran as transferencias de capital e o de Pontevedra que presenta un incremento.

No caso da Coruña a redución entre 2017 e 2018 foi de 10,1 millóns de euros, un 50,1% menos da cifra do ano anterior. Como resultado destas variacións nos capítulos VI e do VII, o agregado de operacións de capital presenta unha diminución de 11,2 millóns que supoñen un 29,4% menos que o importe de 2017, e do que resulta unha minoración na estrutura orzamentaria deste tipo de gastos en 6,5 puntos porcentuais.

No orzamento lucense, a redución foi de 2 millóns de euros, o que implica unha perda de peso relativo deste capítulo e tamén do seu agregado de gastos por operacións de capital, que minorou 1,9 puntos porcentuais na porcentaxe de gastos, quedando no 24,1% do total.

No orzamento ourensán o descenso foi de 0,9 millóns e un 56,6% menos, cunha minoración do seu peso porcentual de 1,2 puntos. O agregado dos capítulos VI e VII presenta un descenso do 5,1% e 1,9 puntos porcentuais de redución do peso destas partidas, quedando no 18,9%.

Finalmente nesta comparativa co orzamento de 2017, o importe do *capítulo I* destinado ao pagamento de gastos de persoal, presenta un aumento do 4,3%, superior ao 1,8% do global e segue a ser o capítulo de maior presenza na composición de gastos dos orzamentos provinciais, xa que de cada 100 euros de gastos, 28,8 se destinan a este capítulo. O importe no orzamento global das catro deputacións ascende a 142,6 millóns de euros.

En todas as deputacións experimentaron incrementos que oscilaron entre 2,6% do orzamento da deputación de Pontevedra ao 6,2% do orzamento ourensán, no que segue a manter as porcentaxes máis altas deste capítulo na composición de gastos que alcanzan o 39,4% do total dos seus recursos.



O agregado de gastos de funcionamento, capítulos I e II, experimentou un crecemento do 3,5% para o conxunto das catro deputacións, debido tanto ao incremento do capítulo II destinado á compra de bens correntes e servizos, non inventariables como ao capítulo I. Con este incremento tamén sube a súa porcentaxe na estrutura de gastos, que fai que case a metade do orzamento suma das catro deputacións teña a finalidade de sustentar este tipo de gastos (46,5%).

Este agregado de gastos de funcionamento medrou nos catro orzamentos provinciais, cunhas taxas de variación que van do 1,4% no caso de Ourense (o de menor variación) ao 5,1% da Coruña.


Principais características da estrutura de gastos

Unha vez comentadas as variacións respecto do ano 2017, se sintetizan a grandes trazos a composición dos orzamentos de gastos e os principais destinos das cifras dos orzamentos provinciais, destacando as seguintes características na estrutura de gastos no orzamento total de suma dos catro provinciais:

- O 93,2% dos gastos o constitúen operacións non financeiras, cunha cifra de 461,8 millóns de €, cun incremento do 2,2% respecto a 2017.
- Os principais compoñentes, á súa vez son:
 - O 71,9% do total de gastos son operacións correntes (capítulos do I ao V), cun importe de 356,1 millóns de €, cifra que é maior á de 2017, polo que tamén medra, 3,1 puntos porcentuais, o seu peso relativo.
 - O 21,3% son operacións de capital (capítulos VI e VII), cunha cifra de 105,7 millóns de €, que como xa se comentou tiveron un descenso respecto ao ano 2017, que fai diminuír a súa porcentaxe no total de gastos en case tres puntos.
- O 6,8% restante son gastos destinados a operacións financeiras, que experimentaron un descenso interanual do 3,3%, sobre todo pola diminución do capítulo no que se recollen as amortizacións dos préstamos vixentes, capítulo IX.



A estrutura de gastos de cada un dos orzamentos presenta diferenzas, entre as que se poderían salientar as seguintes:




O orzamento de Lugo é o que presenta a menor porcentaxe de **operacións non financeiras**, mentres na Coruña as operacións financeiras (capítulos VIII e IX) son as de maior porcentaxe das catro, co 13,5%, superior en 6,6 puntos á porcentaxe media que presenta este agregado para o orzamento total das catro deputacións.

No outro extremo, no orzamento de Lugo a porcentaxe de operacións financeiras respecto do total dos seus gastos nin tan sequera alcanzan o 1%. No orzamento de Lugo unha gran parte dos gastos destinados a operacións non financeiras son operacións de capital, capítulos VI e VII, sendo o segundo orzamento con maior peso porcentual dos gastos de capital, que absorben o 24,1%, porcentaxe superior en máis de 2 puntos á do orzamento total das catro deputacións.

É no orzamento provincial de Pontevedra no que os gastos de capital teñen maior presenza, xa que representan o 28,4% do total.


Os gastos destinados ao financiamento de **operacións correntes**, que presenta unha porcentaxe do 71,9% para o total dos catro orzamentos, e neste caso destaca a máis alta porcentaxe no orzamento ourensán, no que o 79,3% dos gastos van destinados a gastos de natureza corrente, en Lugo a porcentaxe é do 75,3%, na Coruña do 71,5% e finalmente a menor porcentaxe rexístrase en Pontevedra co 66,7%.



No que se refire aos Gastos de funcionamento dos servizos (capítulos I e II), que como se dicía medraron nun 3,5%, presentan diferenzas significativas na comparativa entre os catro orzamentos, xa que en Ourense a porcentaxe ascende ata o 62,8% mentres que no orzamento da Coruña a porcentaxe é do 37,8%, 8,7 puntos por debaixo da media; un ano máis é o que presenta a menor porcentaxe do orzamento destinado ao pagamento de gastos de persoal e de bens correntes e servizos.


As transferencias correntes, que para a media de Galicia representan o 24,3% e que tiveron un crecemento interanual, teñen no orzamento ourensán o seu menor importe e peso relativo, xa que cos seus 13,2 millóns soamente absorben o 16,4% do total dos seus gastos, mentres que nas outras deputacións a porcentaxe varía entre o 31,7% da Coruña ao 18,6% de Pontevedra, reflectindo un 26,6% o de Lugo.

Ao igual que no apartado de ingresos engadimos uns apuntamentos sobre a composición de gastos das facendas provinciais galegas en comparación coas facendas dos concellos galegos e coa media nacional de orzamentos de deputacións provinciais.



Na composición das facendas dos concellos os gastos destinados a operacións correntes teñen maior peso que nas facendas provinciais, xa que chegan ao 85,3%. mentres que os gastos destinados a operacións de capital (capítulos VI e VII, investimentos propios das corporacións e os que se realizan a través doutras entidades por transferencias) teñen un peso porcentual nos concellos que é algo máis da metade da porcentaxe das corporacións provinciais.



As operacións financeiras teñen un maior peso na estrutura de gastos das deputacións, 6,5% fronte ao 2,7% nos concellos.



Como continuación da maior porcentaxe dos gastos por operacións correntes, obsérvase que os gastos de funcionamento, capítulos I e II de pagamento de persoal e de compra de bens correntes e servizos, presentan maior peso nas facendas dos concellos,


que representan o 78,3% do total de gastos, fronte ao 49,0% nas deputacións. O resto de variables na estrutura dos orzamentos dos concellos presentan porcentaxes menores.

Ao comparar a estrutura de gastos das deputacións galegas coa do resto de España, obsérvase en primeiro lugar que é similar, en Galicia os gastos correntes supoñen unha porcentaxe lixeiramente maior que en España a costa dos gastos das operacións financeiras, os gastos de capital (investimentos reais e transferencias de capital) teñen un peso similar en Galicia e no conxunto do Estado roldando o 20%.



IV.2. ESTRUCTURA POR PROGRAMAS DOS ORZAMENTOS DE 2018 DAS DEPUTACIÓNS PROVINCIAIS

Como se comentou ao inicio desta memoria, a clasificación por programas é obrigatoria e recolle a finalidade e obxectivos a que atenden os gastos. Clasificaranse por áreas de gasto (hai seis áreas), políticas de gasto, grupos de programas e programas. Nesta memoria descríbese ao nivel de áreas de gasto.



Como ven sendo habitual, a área de gasto que absorbe unha maior consignación no orzamento inicial de 2018 para o conxunto das catro deputacións, é a 9 destinada a "Actuacións de carácter xeral", que como nos anos anteriores, constitúe a principal finalidade dos gastos. Esta área de gasto absorbe o 37% do total dos orzamentos das catro deputacións no que atinxe a súa estrutura por programas. Esta porcentaxe é igual á porcentaxe que tivo o ano pasado.

Nesta área de gasto 9 inclúense os gastos relativos ás actividades da Entidade local provincial consistentes no exercicio de funcións de goberno ou de apoio administrativo, de soporte lóxico e técnico a toda a organización, xunto as de transferencias a outras administracións e institucións públicas.


CLASIFICACIÓN POR PROGRAMAS DE GASTO
(Orzamentos 2018 sen consolidar)

Área	Política de gasto	TOTAL DEPUTACIÓNES
1	SERVIZOS PÚBLICOS BÁSICOS	39.963.358
	13 Seguridade e mobilidade cidadá	7.610.128
	15 Vivenda e urbanismo	3.407.692
	16 Benestar comunitario	20.749.521
	17 Medio ambiente	8.196.018
2	ACTUACIONES DE PROTECCIÓN Y PROMOCIÓN SOCIAL.	76.991.860
	21 Pensións	8.651.854
	22 Outras prestacións económicas a favor de empregados	3.526.388
	23 Servizos Sociais e promoción social	40.668.441
	24 Fomento do Emprego	24.145.177
3	PRODUCCIÓN DE BENS PÚBLICOS DE CARÁCTER PREFERENTE	65.220.176
	31 Sanidade	2.230.428
	32 Educación	10.527.637
	33 Cultura	36.938.927
	34 Deporte	15.523.185
4	ACTUACIÓN DE CARÁCTER ECONÓMICO	125.127.459
	41 Agricultura, Gandeiría e Pesca	10.701.417
	42 Industria e enerxía	2.342.600
	43 Comercio, turismo e PEMES	8.632.430
	44 Transporte público	0
	45 Infraestruturas	100.432.551
	46 Investigación, desenvolvemento e innovación	147.000
	49 Outras actuacións de carácter económico	2.871.461
9	ACTUACIÓN DE CARÁCTER XERAL	181.272.221
	91 Órganos de goberno	12.850.041
	92 Servizos de carácter xeral	60.971.576
	93 Administración financeira e tributaria	32.802.525
	94 Transferencias a outras Administracións Públicas	74.648.079
0	DÉBEDA PÚBLICA	6.995.919
	01 Débeda Pública	6.995.919
	TOTAL	495.570.992

O importe da área 9 acende a 181,3 millóns de euros, que supón 11,4 millóns máis que en 2017 (o 6,7 de crecemento interanual). A política de gasto de maior importe é a 94 Transferencias a outras Administracións Públicas que con 74,6 millóns é a segunda política de gasto en importe no orzamento conxunto das catro deputacións (por detrás da 45 de infraestruturas), e representa o 15% do total e o 41% desta área de gasto. Séguelle a política 92 Servizos de carácter xeral, con 61,0 millóns de euros, o 33,6% desta área de

gasto e o 12% do total de gastos das catro deputacións; a política de gasto 93 destinada á Administración financeira e tributaria é a seguinte partida en importancia e chega a representar o 7% do total de gastos.

Nos orzamentos provinciais de Pontevedra, A Coruña e Lugo esta área de gasto é a que presenta un maior porcentaxe nos seus gastos segundo a clasificación funcional. En Ourense a área 9 é superada pola 4 (actuacións de carácter económico).



Para o conxunto dos catro orzamentos, a área 4, Actuacións de carácter económico, acada os 125,1 millóns de euros e o 25% sobre o total de gastos. Intégranse nesta área os gastos de actividades, servizos e transferencias que conducen a desenvolver o potencial dos distintos sectores da actividade económica. Tamén comprende os gastos en infraestruturas básicas e de transportes; infraestruturas agrarias; comunicacións; investigación, desenvolvemento e innovación.

A política de gasto 45, a destinada ás infraestruturas, como ven sendo habitual, é a de maior importe. Neste ano alcanza un importe de 100,4 millóns de euros en total que implica que o 20% dos recursos da facendas provinciais están destinadas ao financiamento das infraestruturas, un 9,1% por debaixo do orzamento en 2017.

Como en anos anteriores, é no orzamento coruñés onde se observa a maior porcentaxe desta área de gasto, a pesar de que nesta deputación é onde esta partida experimenta un maior descenso, un 13,3%. Así, en 2018 ten un importe de 47,6 millóns de euros, (7,3 millóns menos que en 2017) e absorbe o 26,6% do seu total na súa estrutura de gastos.

A continuación, reflectindo o peso do sector primario na economía galega, esta a política de gasto 41 "Agricultura, gandería e pesca" con 10,7 millóns de euros e o 2% sobre o total, tendo a maior presenza e importe nos orzamentos de Lugo e de Pontevedra, cunha porcentaxe destes gastos en ambas provincias do 3% e 4% respectivamente do seu total.

As Actuacións de protección e promoción social, incluídas na área de gasto 2, presentan unha cifra de 77 millóns que representa o 16% sobre o total. Inclúense nesta área todos aqueles gastos e transferencias que constitúen o réxime de previsión, as pensións de funcionarios, atencións de carácter benéfico-asistencial; atención a grupos con necesidades especiais, como mozos, maiores, persoas con discapacidade e terceira idade; tamén comprende as medidas de fomento do emprego. Neste orzamento de 2018, entre estas destaca a política de gasto dirixida aos servizos sociais e promoción social, con máis da metade do importe da área e o 8% do total de gastos.

No orzamento ourensán é onde o importe e porcentaxe desta área de gasto 2, é menor, con soamente o 9,1% do seu orzamento dirixido a esta finalidade e un importe de 7,4 millóns. Moi diferente á porcentaxe deste tipo de gastos nos outros tres orzamentos provinciais (18% en Lugo, 18,6% na Coruña e Pontevedra, 14%). A política 23 é a de maior importe da área de gasto nos orzamentos provinciais agás no de Lugo e Ourense onde o Fomento do emprego, política 24 é a de maior importe, con 7,4 e 4,7 millóns de euros respectivamente e o 9% e o 6% respecto do seu total de gastos.

Cun importe e porcentaxe moi preto, está a área de gasto de Producción de bens públicos de carácter preferente, área 3, que contén todos os gastos relacionados coa sanidade, educación, cultura, tempo de lecer, deporte, e, en xeral, todos aqueles tendentes á elevación ou mellora da calidade de vida. É a cuarta finalidade dos gastos para o conxunto das catro deputación. Presenta un importe e porcentaxe moi semellante ao do grupo ou área 2, cun total de 65,2 millóns de euros, e unha porcentaxe do 13%.

Dentro desta área, a política de gasto de maior orzamento é a dirixida á promoción da cultura, (33), que representa máis do 56% da área de gasto e o 7% do total de gastos.

Nesta área de gasto non se reflecten variacións importantes das porcentaxes a ela destinadas entre os catro orzamentos, mesmo salientando a cultura nos catro orzamentos como a política de gasto de maior cifra.

A área de gasto 1Servizos públicos básicos, que comprende todos aqueles gastos orixinados polos servizos públicos básicos que, con carácter obrigatorio, deben prestar os concellos, ao abeiro do artigo 31.2 de la Lei 7/1985, de 2 de abril, reguladora das Bases de Réxime Local, atendendo á función das provincias de cooperación e asistencia aos concellos.

O importe total destinados a esta área é de 40 millóns que representan o 8% do total, destacando a política de gasto destinadas ao benestar comunitario, con 20,7 millóns e o 4% do total do orzamento.

Nesta área de gasto, como en anos anteriores destaca a elevada porcentaxe do orzamento da deputación de Ourense que destina a ela o 26,2% do total, sendo no seu orzamento a segunda prioridade de gasto, destacando que o importe da política de gasto de benestar comunitario representa case a cuarta parte dos seus gastos (22%). Isto reflicte unha gran diferenza entre os catro orzamentos provinciais no que atinxe tanto a esta área, como ao benestar comunitario, xa que no outro extremo do reflectido en Ourense, destaca o orzamento coruñés no que a única política de gasto que alcanza o 1,5% é a de medio ambiente, sen reflectir importes destinados ás políticas de gasto 15 e 16, desta área nº 1.


Por último, a Débeda pública é unha área na que ano a ano se vai reducindo o seu importe e peso relativo na composición dos gastos, que como no ano anterior segue a reducirse, neste caso 1 punto porcentual respecto á estrutura de 2017, representando o 1% do total do orzamento de gastos de 2018. O importe desta área é de 7,0 millóns de euros 3,2 menos que en 2017, o que supón unha diminución interanual do 31,3%. Comprende os gastos de xuros, amortización da débeda pública e demais operacións financeiras e de natureza análoga, con exclusión dos gastos que ocasione a formalización das mesmas.

No orzamento coruñés non hai consignación de débeda pública, no de Lugo ten un importe escaso que non alcanza o 1% do seu orzamento e nos dous orzamentos restantes apréciase unha diminución dos gastos destinados a débeda, representando o 4% en Pontevedra e o 1% en Ourense.

2018 - Comparativa dos gastos Orzamentos das deputacións por programas de gasto (orzamentos sen consolidar)											
Área	Política de gasto	A CORUÑA	%	LUGO	%	OURENSE	%	PONTEVEDRA	%	TOTAL	%
1 SERVIZOS PÚBLICOS BÁSICOS		3.582.545	2%	8.034.936	10%	21.107.073	26%	7.238.804	5%	39.963.358	8%
	13 Seguridade e mobilidade cidadá	820.000	0%	3.051.044	4%	2.233.083	3%	1.506.000	1%	7.610.128	2%
	15 Vivenda e urbanismo	0	0%	2.095.503	3%	0	0%	1.312.189	1%	3.407.692	1%
	16 Benestar comunitario	0	0%	25.000	0%	17.765.906	22%	2.958.615	2%	20.749.521	4%
	17 Medio ambiente	2.762.545	2%	2.863.389	4%	1.108.084	1%	1.462.000	1%	8.196.018	2%
2 ACTUACIONES DE PROTECCIÓN Y PROMOCIÓN		33.297.187	19%	14.494.208	18%	7.378.495	9%	21.820.971	14%	76.990.861	16%
	21 Pensións	8.650.652	5%	0	0%	0	0%	202	0%	8.650.854	2%
	22 Outras prestacións económicas a favor de	1.619.245	1%	1.126.443	1%	1.000	0%	779.700	0%	3.526.388	1%
	23 Servizos Sociais e promoción social	15.214.476	9%	5.917.864	7%	2.655.000	3%	16.881.101	11%	40.668.441	8%
	24 Fomento do Emprego	7.812.814	4%	7.449.901	9%	4.722.495	6%	4.159.968	3%	24.145.178	5%
3 PRODUCCIÓN DE BENS PÚBLICOS DE CARÁCTER		23.316.738	13%	12.741.964	16%	10.984.490	14%	18.176.983	12%	65.220.176	13%
	31 Sanidade	0	0%	0	0%	2.230.428	3%	0	0%	2.230.428	0%
	32 Educación	4.897.739	3%	2.629.107	3%	743.519	1%	2.257.272	1%	10.527.637	2%
	33 Cultura	13.932.369	8%	6.121.483	8%	5.464.242	7%	11.420.833	7%	36.938.927	7%
	34 Deporte	4.486.630	3%	3.991.375	5%	2.546.302	3%	4.498.878	3%	15.523.185	3%
4 ACTUACIONES DE CARÁCTER ECONÓMICO		54.873.376	31%	19.703.168	25%	23.029.569	29%	27.521.346	18%	125.127.459	25%
	41 Agricultura, Gandeiría e Pesca	1.864.000	1%	2.274.648	3%	776.641	1%	5.786.128	4%	10.701.417	2%
	42 Industria e enerxía	183.100	0%	0	0%	2.030.000	3%	129.500	0%	2.342.600	0%
	43 Comercio, turismo e PEMES	2.383.740	1%	2.242.506	3%	545.000	1%	3.461.184	2%	8.632.430	2%
	44 Transporte público	0	0%	0	0%	0	0%	0	0%	0	0%
	45 Infraestruturas	47.642.628	27%	14.972.462	19%	19.677.928	24%	18.139.533	12%	100.432.552	20%
	46 Investigación, desenvolvemento e	88.000	0%	54.000	0%	0	0%	5.000	0%	147.000	0%
	49 Outras actuacións de carácter económico	2.711.907	2%	159.552	0%	0	0%	1	0%	2.871.461	1%
9 ACTUACIONES DE CARÁCTER XERAL		63.879.155	36%	23.916.453	30%	17.020.543	21%	76.456.071	49%	181.272.222	37%
	91 Órganos de goberno	2.373.927	1%	2.435.861	3%	5.189.035	6%	2.851.218	2%	12.850.041	3%
	92 Servizos de carácter xeral	20.178.066	11%	15.613.300	20%	9.591.525	12%	15.588.686	10%	60.971.577	12%
	93 Administración financeira e tributaria	14.530.362	8%	5.520.582	7%	2.191.902	3%	10.559.679	7%	32.802.525	7%
	94 Transferencias a outras Administracións	26.796.800	15%	346.711	0%	48.081	0%	47.456.488	30%	74.648.079	15%
0 DÉBEDA PÚBLICA		0	0%	150.964	0%	1.186.830	1%	5.658.125	4%	6.995.919	1%
	01 Débeda Pública	0	0%	150.964	0%	1.186.830	1%	5.658.125	4%	6.995.919	1%
TOTAL		178.949.000	100%	79.041.692	100%	80.707.000	100%	156.872.300	100%	495.569.995	100%

IV.3. VARIABLES DE GASTOS en relación coa poboación provincial

O total de gastos coincide co total de ingresos ao presentarse os orzamentos equilibrados. A cifra de gastos de persoal (capítulo I) é de 52,8 €/hab. de media de Galicia. Os valores resultantes nos orzamentos de Ourense (con 103€) e Lugo (con 74,9€), son superiores á media. A Coruña foi a que presentou a menor cifra de gastos de persoal por habitante, como ven sendo habitual nos últimos anos, con 37€/hab. e en Pontevedra son 47,4 euros por habitante.



No relativo ao peso deste capítulo na composición dos gastos, dicir que presenta unha media do 28,8% lixeiramente superior ao 2017. Destaca a alta porcentaxe dos gastos de persoal na Deputación de Ourense, cun 39,4%, que supera en 16,3 puntos porcentuais a porcentaxe da Coruña, que é a de menor porcentaxe. Por outra banda as porcentaxes das dúas restantes provincias aproxímanse ao dato da media, ao redor do 29%.

As cifras do total por operacións correntes (capítulos do I ao V, este último o capítulo do Fondo de continxencia) presentan unha tendencia similar aos gastos de persoal, xa que foron as cifras de Lugo e Ourense, as que superaron a media, que se sitúa nos 179,6 €/hab en Lugo e 206,9 €/hab en Ourense.

A porcentaxe para a media de Galicia destinada a este tipo de gastos é do 71,9%, sendo nos orzamentos de Lugo e Ourense os que presentan porcentaxes máis altas. O peso relativo na estrutura de gastos das operacións correntes flutúa entre o 79,3% de Ourense e o 66,7% de Pontevedra.

VARIABLES E RATIOS ECONÓMICO-FINANZEIRAS

GASTOS

	2018				
	A Coruña	Lugo	Ourense	Pontevedra	Galicia
Gastos Totais	159,9	238,6	261,1	166,6	183,5
Gastos de Persoal (Cap I)	37,0	74,9	103	47,4	52,8
% GP/GT	23,1%	31,4%	39,4%	28,5%	28,8%
Operacións Correntes (I ao V)	114,4	179,6	206,9	111,1	131,8
% OC/GT	71,5%	75,3%	79,3%	66,7%	71,9%
Operacións de Capital (VI+VII)	24,0	57,5	49,4	47,4	39,2
% OC/GT	15,0%	24,1%	18,9%	28,4%	21,3%
Operacións Financeiras (VIII+IX)	21,5	1,5	4,8	8,2	12,5
% OF/GT	13,5%	0,6%	1,8%	4,9%	6,8%

Polo que respecta ás operacións de capital (capítulos VI e VII) a deputación co orzamento maior das catro destinado a estes gastos divido pola súa poboación, segue sendo, como en anos anteriores, a de Lugo, aínda que como xa se viu experimentou unha diminución tanto no seu total como neste agregado. A media de Galicia reflicte que se destinarán uns 39,2 euros por habitante aos investimentos reais e transferencias de capital, sendo os valores extremos os de Coruña, con 24 e Lugo, con 57,5 euros por habitante.


No que atinxe ao peso relativo na estrutura de gastos deste agregado de investimentos e transferencias de capital, foi en Pontevedra no que se observa unha maior proporción do seu orzamento destinado aos capítulos VI e VII, seguido polo orzamento lucense.

Por último, as operacións financeiras (capítulos VIII e IX), que como xa se viu experimentaron en 2018 unha diminución, como xa acontecera no orzamento de 2017, baixan ata os 12,5 euros por habitante para a medida de Galicia. Neste agregado de gastos financeiros obsérvase unha gran variabilidade, figurando o maior dato na Coruña, con 21,5 euros por habitante, seguido dos 8,2€/hab. de Pontevedra e os 4,8 en Ourense, mentres que en Lugo soamente resulta 1,5 euro por habitante destinado a gastos financeiros. As porcentaxes reflicten datos parellos aos importes por habitante, sendo o da Coruña o único que supera a porcentaxe da media, e reflectindo o de Lugo o dato mais baixo xa que soamente o 0,6% do seu orzamento son gastos financeiros.

IV.4. EVOLUCIÓN DE GASTOS DO PERÍODO 2013-2018

No periodo de análise o capítulo I de gastos de persoal, presenta unha traxectoria descendente entre 2013 e 2015, seguindo a tendencia iniciada en 2011, mentres que nos

últimos anos medra un 9,5%, con crecemento anual en 2016 e 2018 do 5,8% e 4,3%, respectivamente.



A taxa de crecemento media anual acumulativo do capítulo I é do 1,3%, lixeiramente inferior á do conxunto dos gastos das deputacións do 1,6%.

GASTOS DE PERSOAL

Millóns de euros

	2013	2014	2015	2016	2017	2018	Inc. medio interanual 2013-2018
A Coruña	38,3	38,2	38,4	39,8	39,3	41,4	1,5%
Lugo	24,1	23,4	23,3	24,7	24,0	24,8	0,6%
Ourense	28,7	28,4	27,7	30,1	29,9	31,8	2,1%
Pontevedra	42,7	40,3	40,8	43,1	43,5	44,6	0,9%
Galicia	133,8	130,3	130,2	137,7	136,8	142,6	1,3%


No conxunto das catro deputacións o peso dos gastos de persoal sobre o total dos gastos diminúe 4 décimas desde 2013 ata situarse no 28,8%. Por deputación, só a de Lugo aumenta este porcentaxe, sendo xunto coa de Ourense a que teñen uns porcentaxes superiores á media.

GASTOS DE PERSOAL (peso sobre o total de gastos)


	2013	2014	2015	2016
A Coruña	24,5	24,2	22,4	22,7
Lugo	27,8	28,4	27,8	29,4
Ourense	43,1	38,5	35,8	37,9
Pontevedra	28,7	27,5	27,5	28,3
Galicia	29,2	28,3	27,1	28,0

En resumo, non houbo variacións significativas neste capítulo de gastos nestes seis anos, nos que sempre foi o capítulo de maior importe, sendo o principal destino segundo a natureza do gasto dos orzamentos das deputacións provinciais galegas.

En termos de gastos de persoal por habitante, as deputacións de Lugo e Ourense presentan un nivel superior á media de 52,8€ por habitante de 2018, mentres que as de Pontevedra e A Coruña están por debaixo en todos os anos do período.



A evolución das operacións de capital, presenta unha traxectoria decrecente desde 2010 ata 2014, aumentando o seu importe en 2015 e 2016 para volver a descender en tomo a un 10% anual nos dous últimos anos.



No período 2013-2018 o conxunto dos gastos de capital das deputacións mostra unha taxa media anual do -2,0%, sendo negativa no caso das deputacións de A Coruña (-7,3%) e Lugo (-5,4%), mentres que as de Ourense e Pontevedra presentan unhas taxas medias anuais positivas do 7% e 1,3%, respectivamente, aínda que con distinta evolución temporal.

OPERACIÓNS DE CAPITAL


	Millóns de euros						Inc. medio interanual 2013-2018
	2013	2014	2015	2016	2017	2018	
A Coruña	39,3	34,9	42,7	41,8	38,0	26,8	-7,3%
Lugo	25,1	20,8	22,5	28,3	28,3	19,0	-5,4%
Ourense	10,9	14,4	20,0	18,6	16,1	15,3	7,0%
Pontevedra	41,8	39,0	34,1	40,7	42,4	44,6	1,3%
Galicia	117,2	111,0	119,3	129,4	117,4	105,7	-2,0%

En 2018 o volume das operacións de capital descende un 9,9%, sendo especialmente significativo o descenso na Coruña e Lugo. Só na deputación de Pontevedra medran os orzamentos nos capítulos VI e VII. Isto tradúcese unha diminución no peso que as operacións de capital representan sobre o total dos gastos (2,8 puntos en 2018).

OPERACIÓNS DE CAPITAL (peso % sobre o total de gastos)

	2013	2014	2015	2016	2017	2018
A Coruña	25,1	22,1	24,9	23,8	21,5	15,0
Lugo	29,0	25,3	26,8	33,7	35,2	24,1
Ourense	16,4	19,5	25,8	23,4	20,9	18,9
Pontevedra	28,1	26,6	22,9	26,8	27,8	28,4
Galicia	25,6	24,1	24,8	26,3	24,1	21,3

Os gastos de capital por habitante das deputacións acadan os 39,2€ en 2018, 4,2 puntos menos que en 2017, evolución debida fundamentalmente, ao descenso destes gastos na deputación da Coruña que están por debaixo da media.





IV.5. INTRODUCCIÓN AOS ORZAMENTOS INDIVIDUAIS DE GASTOS POR DEPUTACIÓN

Como no apartado de ingresos, a continuación, descríbense graficamente, de xeito individual, os orzamentos de gastos de cada unha das deputacións provinciais das principais variables orzamentarias:


- En primeiro lugar, descríbese a estrutura básica dos gastos, na que se recollen os importes de operacións correntes e de capital que compoñen as operacións non financeiras, xunto ás operacións financeiras. Ademais tamén se inclúen os gráficos de distribución dos diferentes compoñentes de gastos.
- En segundo lugar, figura a táboa da clasificación funcional por áreas e programas de gastos e o gráfico no que se reflicte a composición de cada finalidade na estrutura total.
- En terceiro lugar, figura a táboa do orzamento inicial do 2018, como resultado do estado da consolidación cos OO.AA., coa comparación co ano 2017. Así mesmo figura un gráfico coas diferentes porcentaxes de cada capítulo de gastos nestes dous últimos anos.

IV.5.1. ORZAMENTO DE GASTOS DA DEPUTACIÓN DA CORUÑA




ORZAMENTO DE GASTOS

CAPITULOS	2017		Increm. % Interanual	2018	
	IMPORTE	%		IMPORTE	%
(euros)					
OPERACIÓNS NON FINANCEIRAS					
I. Gastos de Persoal	39.318.563	22,3%	5,3%	41.386.560	23,1%
II. Compra de Bens Corr. e Servizos	25.096.416	14,2%	4,8%	26.298.374	14,7%
<i>Gastos funcionamento dos servizos</i>	<i>64.414.979</i>	<i>36,5%</i>	<i>5,1%</i>	<i>67.684.934</i>	<i>37,8%</i>
III. Xuros	20.000	0,0%	0,0%	20.000	0,0%
IV. Transferencias Correntes	48.463.688	27,5%	17,1%	56.747.721	31,7%
V. Fondo continxencia e imprevisión	3.530.000	2,0%	1,4%	3.579.000	2,0%
Operacións Correntes	116.428.667	66,0%	10,0%	128.031.655	71,5%
VI. Investimentos Reais	17.888.563	10,1%	-6,1%	16.797.574	9,4%
VII. Transferencias de Capital	20.117.000	11,4%	-50,1%	10.040.000	5,6%
Operacións de capital	38.005.563	21,5%	-29,4%	26.837.574	15,0%
Operacións non financeiras	154.434.229	87,5%	0,3%	154.869.229	86,5%
OPERACIÓNS FINANCEIRAS					
VIII. Variación Activos Financeiros	22.080.771	12,5%	9,1%	24.080.771	13,5%
IX. Variación Pasivos Financeiros					
Operacións financeiras	22.080.771	12,5%	9,1%	24.080.771	13,5%
TOTAL GASTOS	176.515.000	100%	1,4%	178.950.000	100%





CLASIFICACIÓN POR PROGRAMAS DE GASTO
(Orzamentos 2018 sen consolidar)

Área de gasto	Política de gasto	A CORUÑA
1	SERVIZOS PÚBLICOS BÁSICOS	3.582.545
	13 Seguridade e mobilidade cidadá	820.000
	15 Vivenda e urbanismo	0
	16 Benestar comunitario	0
	17 Medio ambiente	2.762.545
2	ACTUACIONES DE PROTECCIÓN Y PROMOCIÓN SOCIAL.	33.298.187
	21 Pensións	8.651.652
	22 Outras prestacións económicas a favor de empregados	1.619.245
	23 Servizos Sociais e promoción social	15.214.476
	24 Fomento do Emprego	7.812.814
3	PRODUCCIÓN DE BENS PÚBLICOS DE CARÁCTER PREFERENTE	23.316.738
	31 Sanidade	0
	32 Educación	4.897.739
	33 Cultura	13.932.369
	34 Deporte	4.486.630
4	ACTUACIÓN DE CARÁCTER ECONÓMICO	54.873.376
	41 Agricultura, Gandeiría e Pesca	1.864.000
	42 Industria e enerxía	183.100
	43 Comercio, turismo e PEMES	2.383.740
	44 Transporte público	0
	45 Infraestruturas	47.642.628
	46 Investigación, desenvolvemento e innovación	88.000
	49 Outras actuacións de carácter económico	2.711.907
9	ACTUACIÓN DE CARÁCTER XERAL	63.879.155
	91 Órganos de goberno	2.373.927
	92 Servizos de carácter xeral	20.178.066
	93 Administración financeira e tributaria	14.530.362
	94 Transferencias a outras Administracións Públicas	26.796.800
0	DÉBEDA PÚBLICA	0
	01 Débeda Pública	0
	TOTAL	178.950.000




IV.5.2. ORZAMENTO DE GASTOS DA DEPUTACIÓN DE LUGO



DEPUTACIÓN DE LUGO
ORZAMENTO DE GASTOS


(euros)

CAPÍTULOS	2017		Increm. % Interanual	2018	
	IMPORTE	%		IMPORTE	%
OPERACIONES NON FINANCEIRAS					
I. Gastos de Persoal	24.046.852	29,9%	3,2%	24.815.633	31,4%
II. Compra de Bens Corr. e Servizos	13.356.598	16,6%	-0,2%	13.324.838	16,9%
<i>Gastos funcionamento dos servizos</i>	<i>37.403.450</i>	<i>46,5%</i>	<i>2,0%</i>	<i>38.140.472</i>	<i>48,3%</i>
III. Intereses	18.000	0,0%	152,8%	45.500	0,1%
IV. Transferencias Correntes	21.176.663	26,3%	-0,7%	21.018.060	26,6%
V. Fondo continxencia e imprevisión	300.000	0,4%	0,0%	300.000	0,4%
Operacións Correntes	58.898.113	73,2%	1,0%	59.504.031	75,3%
VI. Investimentos Reais	15.722.125	19,5%	1,0%	15.872.363	20,1%
VII. Transferencias de Capital	5.189.614	6,5%	-38,9%	3.171.064	4,0%
Operacións de capital	20.911.738	26,0%	-8,9%	19.043.427	24,1%
Operacións non financeiras	79.809.851	99,2%	-1,6%	78.547.459	99,4%
OPERACIONES FINANCEIRAS					
VIII. Variación Activos Financeiros	504.769	0,6%	-24,6%	380.769	0,5%
IX. Variación Pasivos Financeiros	113.464	0,1%	0,0%	113.464	0,1%
Operacións financeiras	618.234	0,8%	-20,1%	494.234	0,6%
TOTAL GASTOS	80.428.085	100,0%	-1,7%	79.041.692	100%





CLASIFICACIÓN POR PROGRAMAS DE GASTO
(Orzamentos 2018 sen consolidar)

Área de gasto	Política de gasto	LUGO
1 SERVICIOS PÚBLICOS BÁSICOS		8.034.936
	13 Seguridade e mobilidade cidadá	3.051.044
	15 Vivenda e urbanismo	2.095.503
	16 Benestar comunitario	25.000
	17 Medio ambiente	2.863.389
2 ACTUACIÓNS PROTECCIÓN E PROMOCIÓN SOCIAL.		14.494.208
	21 Pensións	0
	22 Outras prestacións económicas a favor de empregados	1.126.443
	23 Servizos Sociais e promoción social	5.917.864
	24 Fomento do Emprego	7.449.901
3 PRODUCCIÓN BENS PÚBLICOS DE CARÁCTER PREFERENTE		12.741.964
	31 Sanidade	0
	32 Educación	2.629.107
	33 Cultura	6.121.483
	34 Deporte	3.991.375
4 ACTUACIÓNS CARÁCTER ECONÓMICO		19.703.168
	41 Agricultura, Gandeiría e Pesca	2.274.648
	42 Industria e enerxía	0
	43 Comercio, turismo e PEMES	2.242.506
	44 Transporte público	0
	45 Infraestruturas	14.972.462
	46 Investigación, desenvolvemento e innovación	54.000
	49 Outras actuacións de carácter económico	159.552
9 ACTUACIÓNS CARÁCTER XERAL		23.916.453
	91 Órganos de goberno	2.435.861
	92 Servizos de carácter xeral	15.613.300
	93 Administración financeira e tributaria	5.520.582
	94 Transferencias a outras Administracións Públicas	346.711
0 DÉBEDA PÚBLICA		150.964
	01 Débeda Pública	150.964
	TOTAL	79.041.692




IV.5.3. ORZAMENTO DE GASTOS DA DEPUTACIÓN DE OURENSE



**DEPUTACIÓN DE OURENSE
ORZAMENTO DE GASTOS**


(euros)

CAPITULOS	2017		Increm. % Interanual	2018	
	IMPORTE	%		IMPORTE	%
OPERACIÓN NON FINANCIERAS					
I. Gastos de Persoal	29.948.914	38,8%	6,2%	31.798.525	39,4%
II. Compra de Bens Corr. e Servizos	20.061.457	26,0%	-5,7%	18.923.476	23,4%
<i>Gastos funcionamento dos servizos</i>	<i>50.010.371</i>	<i>64,8%</i>	<i>1,4%</i>	<i>50.722.001</i>	<i>62,8%</i>
III. Intereses	127.383	0,2%	-85,9%	17.963	0,0%
IV. Transferencias Correntes	8.383.519	10,9%	57,6%	13.213.769	16,4%
V. Fondo continxencia e imprevisión	10.000	0,0%	0,0%	10.000	0,0%
Operacións Correntes	58.531.272	75,9%	9,3%	63.963.732	79,3%
VI. Inversións Reais	14.560.421	18,9%	0,3%	14.610.872	18,1%
VII. Transferencias de Capital	1.530.500	2,0%	-56,6%	663.528	0,8%
Operacións de capital	16.090.921	20,9%	-5,1%	15.274.401	18,9%
Operacións non financeiras	74.622.193	96,8%	6,2%	79.238.133	98,2%
OPERACIÓN FINANCEIRAS					
VIII. Variación Activos Financeiros	300.000	0,4%	0,0%	300.000	0,4%
IX. Variación Pasivos Financeiros	2.196.807	2,8%	-46,8%	1.168.867	1,4%
Operacións financeiras	2.496.807	3,2%	-41,2%	1.468.867	1,8%
TOTAL GASTOS	77.119.000	100,0%	4,7%	80.707.000	100,0%





CLASIFICACIÓN POR PROGRAMAS DE GASTO
(Orzamentos 2018 sen consolidar)

Área	Política de gasto	OURENSE
1	SERVIZOS PÚBLICOS BÁSICOS	21.107.073,02
	13 Seguridade e mobilidade cidadá	2.233.083,20
	15 Vivenda e urbanismo	0,00
	16 Benestar comunitario	17.765.905,71
	17 Medio ambiente	1.108.084,11
2	ACTUACIONES DE PROTECCIÓN Y PROMOCIÓN SOCIAL.	7.378.494,72
	21 Pensións	0,00
	22 Outras prestacións económicas a favor de empregados	1.000,00
	23 Servizos Sociais e promoción social	2.655.000,00
	24 Fomento do Emprego	4.722.494,72
3	PRODUCCIÓN DE BENS PÚBLICOS DE CARÁCTER PREFERENT	10.984.490,44
	31 Sanidade	2.230.427,75
	32 Educación	743.518,50
	33 Cultura	5.464.242,37
	34 Deporte	2.546.301,82
4	ACTUACIÓNS DE CARÁCTER ECONÓMICO	23.029.569,28
	41 Agricultura, Gandeiría e Pesca	776.641,37
	42 Industria e enerxía	2.030.000,00
	43 Comercio, turismo e PEMES	545.000,00
	44 Transporte público	0,00
	45 Infraestruturas	19.677.927,91
	46 Investigación, desenvolvemento e innovación	0,00
	49 Outras actuacións de carácter económico	0,00
9	ACTUACIÓNS DE CARÁCTER XERAL	17.020.542,72
	91 Órganos de goberno	5.189.034,74
	92 Servizos de carácter xeral	9.591.524,77
	93 Administración financeira e tributaria	2.191.902,25
	94 Transferencias a outras Administracións Públicas	48.080,96
0	DÉBEDA PÚBLICA	1.186.829,82
	01 Débeda Pública	1.186.829,82
	TOTAL	80.707.000,00




IV.5.4. ORZAMENTO DE GASTOS DA DEPUTACIÓN DE PONTEVEDRA



DEPUTACIÓN DE PONTEVEDRA
ORZAMENTO DE GASTOS

CAPITULOS	2017		Increm. % Interanual	2018	
	IMPORTE	%		IMPORTE	%
(euros)					
OPERACIÓN NON FINANCIERAS					
I. Gastos de Persoal	43.483.307	28,5%	2,6%	44.632.380	28,5%
II. Compras de Bens Corr. e Servicos	27.588.607	18,1%	7,0%	29.507.655	18,8%
<i>Gastos funcionamento dos servicos</i>	<i>71.071.914</i>	<i>46,6%</i>	<i>4,3%</i>	<i>74.140.035</i>	<i>47,3%</i>
III. Intereses	359.205	0,2%	-41,6%	209.950	0,1%
IV. Transferencias Correntes	27.995.801	18,4%	4,4%	29.223.723	18,6%
V. Fondo continxencia e imprevisibles	1.000.000	0,7%	0,0%	1.000.000	0,6%
Operacións Correntes	100.426.920	65,8%	4,1%	104.573.708	66,7%
VI. Inversións Reais	9.512.959	6,2%	7,3%	10.208.911	6,5%
VII. Transferencias de Capital	32.877.646	21,6%	4,6%	34.381.006	21,9%
Operacións de capital	42.390.605	27,8%	5,2%	44.589.917	28,4%
Operacións non financeiras	142.817.525	93,6%	4,4%	149.163.625	95,1%
OPERACIÓN FINANCEIRAS					
VIII. Variación Activos Financeiros	1.272.400	0,8%	0,0%	1.272.400	0,8%
IX. Variación Pasivos Financeiros	8.420.275	5,5%	-23,6%	6.436.275	4,1%
Operacións financeiras	9.692.675	6,4%	-20,5%	7.708.675	4,9%
TOTAL GASTOS	152.510.200	100%	2,9%	156.872.300	100%



CLASIFICACIÓN POR PROGRAMAS DE GASTO
(Orzamentos 2018 sen consolidar)

Área	Política de gasto	PONTEVEDRA
1	SERVIZOS PÚBLICOS BÁSICOS	7.238.804
	13 Seguridade e mobilidade cidadá	1.506.000
	15 Vivenda e urbanismo	1.312.189
	16 Benestar comunitario	2.958.615
	17 Medio ambiente	1.462.000
2	ACTUACIONES DE PROTECCIÓN Y PROMOCIÓN SOCIAL.	21.820.971
	21 Pensións	202
	22 Outras prestacións económicas a favor de empregados	779.700
	23 Servizos Sociais e promoción social	16.881.101
	24 Fomento do Emprego	4.159.968
3	PRODUCCIÓN DE BENS PÚBLICOS DE CARÁCTER PREFERENT	18.176.983
	31 Sanidade	0
	32 Educación	2.257.272
	33 Cultura	11.420.833
	34 Deporte	4.498.878
4	ACTUACIÓN DE CARÁCTER ECONÓMICO	27.521.346
	41 Agricultura, Gandeiría e Pesca	5.786.128
	42 Industria e enerxía	129.500
	43 Comercio, turismo e PEMES	3.461.184
	44 Transporte público	0
	45 Infraestruturas	18.139.533
	46 Investigación, desenvolvemento e innovación	5.000
	49 Outras actuacións de carácter económico	1
9	ACTUACIÓN DE CARÁCTER XERAL	76.456.071
	91 Órganos de goberno	2.851.218
	92 Servizos de carácter xeral	15.588.686
	93 Administración financeira e tributaria	10.559.679
	94 Transferencias a outras Administracións Públicas	47.456.488
0	DÉBEDA PÚBLICA	5.658.125
	01 Débeda Pública	5.658.125
	TOTAL	156.872.300

